



2.17 - Fushëbetejat e mendjes dhe mishit

(2.17 - The Battlefields of the Mind and the Flesh)
(Shkrimet nga ALBB)

Shkrimet bazë:

Gal.5: 16-18

¹⁶ Dhe unë them: Ecni sipas Frymës dhe nuk do ta përmbushni dëshirat e mishit, ¹⁷ sepse mishi ka dëshira kundër Frymës, dhe Fryma ka dëshira kundër mishit; dhe këto janë të kundërta me njëra-tjetrën, që ju të mos bëni ato që dëshironi. ¹⁸ Por në qoftë se udhëhiqeni nga Fryma, ju nuk jeni nën ligj.

Gal.5: 16-18

¹⁶ But I say, walk and live [habitually] in the [Holy] Spirit [responsive to and controlled and guided by the Spirit]; then you will certainly not gratify the cravings and desires of the flesh (of human nature without God). ¹⁷ For the desires of the flesh are opposed to the [Holy] Spirit, and the [desires of the] Spirit are opposed to the flesh (godless human nature); for these are antagonistic to each other [continually withstanding and in conflict with each other], so that you are not free but are prevented from doing what you desire to do. ¹⁸ But if you are guided (led) by the [Holy] Spirit, you are not subject to the Law. (AMPC)

Rom. 8:37

³⁷ Por në të gjitha këto gjëra ne jemi më shumë se fitimtarë për hir të atij që na deshi.

1. The Beteja e vazhdueshme në mbretërinë e frymës dhe në mbretërinë e të natyrshmes.

Fjala e Perëndisë thotë se ne jemi "më shumë se fitimtarë", atëherë **pse vazhdojmë të kemi probleme dhe humbje në jetën tonë të përditshme dhe nëpër shërbesa, në rast se jemi të rilindur. Është kështu sepse nuk e kuptojmë luftën frymërore që bën satani dhe që manifestohet në fushën natyrore / fizike këtu në tokë kundër nesh.**

Është e rëndësishme për çdo të krishterë të kuptojë si vepron satani, armiku ynë i padukshëm, të njohë taktikat e tij, planet dhe metodat e veprimit në betejë në mënyrë që ta mposhtim në përpjekjet e tij dhe gjithashtu të imponojmë fitoren tonë mbi të , e cila u mor dhe na u dha me anë të gjakut të Jezu Krishtit në Kryq.

Perëndia e ka mposhtur satanin nëpërmjet Birit të Tij Jezusit, ka hequr çdo fuqi që kishte satani, dhe më pas, çdo "besimtari të lindur përsëri" iu dha çdo armë e mundshme për të zbatuar atë mposhtje dhe fitore mbi të. **Ne duhet ta kuptojmë betejën e vazhdueshme që bëhet mes sferës frymërore dhe asaj natyrore** nëse duam të kemi një jetë fitimtare, të marrim gjithçka që Perëndia ka për ne këtu, ndërsa jemi në tokë dhe që të jemi "Kisha Triumfuese" e Krishtit Jezus.

Kur ti e pranove Jezusin si Zotin dhe Shpëtimtarin tënd, ti u rilinde, zemra jote ose fryma jote u rikrijuan ose rinovuan në çast nga Fryma e Shenjtë, por jo mendja dhe trupi yt. Perëndia na thotë se ne duhet të përtërijmë mendjet tona (procesin e të menduarit) me Fjalën e Tij dhe pastaj ta vendosim trupin tonë nën kontrollin e frymës tonë.

2. Fushëbeteja kryesore - mendja.

Hebrenjve 12: 1-3

¹ Prandaj edhe ne, duke qenë të rrethuar nga një re kaq e madhe dëshmitarësh, duke hedhur tej çdo barrë dhe mëkatit që na qarkon vazhdimisht duke na joshur, **le të rendim me durim në udhën që është përpara nesh,** ² **uke i drejtuar sytë te Jezusi, kreu dhe plotësonjësi i besimit,** i cili, për gëzimin që ishte përpara tij, duroi kryqin duke e përçmuar fyerjen dhe u ul në të djathtën e fronit të Perëndisë.³ Kujtoni, pra, atë që duroi një kundërshtim të tillë nga ana e mëkatarëve kundër tij, **që të mos lodheni dhe të ligështoheni në shpirtin tuaj.**



2.17 - Fushëbetejat e mendjes dhe mishit

- Shpirti është porta midis sferës frymërore dhe asaj natyrore - **është fusha e vendimmarrjes për qeniet njerëzore**. Të vendosësh për gjërat e Frymës apo të vendosësh të shkosh me gjërat e mishit, botës.
- **Shpirti është i përbërë nga mendja, vullneti dhe emocionet** dhe kjo është ajo ku Fjala e Perëndisë na paralajmëron se do të jetë beteja kryesore, veçanërisht në fushën e "mendjes" dhe kjo është arsyeja pse mendja duhet të përtërihet në Fjalën e Perëndisë për të njohur rrugët e Tij dhe mendimet e Tij.
- Përderisa jetojmë në një trup të vdekshëm, **mendja është vendi** ku lufta me satanin do të fitohet apo humbet - **mendja jote është fusha e betejës**. Njerëzit kanë bërë **gabim kur kanë menduar** se sulmet e satanit bëhen në sferën e frymës, por Jezusi e mposhti satanin një herë e përgjithmonë, në mbretërinë frymërore.
- **Radha e vërtetë e një qenieje njerëzore duhet të jetë - fryma / shpirti / trupi** ku fryma e njeriut është nën kontroll apo udhëheqje. Kur vepron në fushën e frymës si besimtar, mendja jote, e cila është në sferën e shpirtit, nuk është përgjegjëse.
- Satani e ka **humbur autoritetin e tij në sferën frymërore** - ai nuk mund të të luftojë atje, por ai të lufton në sferën e natyrshme, në atë shpirtërore, ku ai ende ka akses, por jo autoritet.

3. Mashtrimi - Arma Kryesore e Sulmit e Satanit.

1 Kor. 10: 13

¹³ **Asnjë tundim nuk ju ka gjetur juve, përveçse tundimi njerëzor; por Perëndia është besnik dhe nuk do të lejojë që t'ju tundojnë përtej fuqive tuaja, por me tundimin do t'ju japë dhe rrugë dalje, që ju të mund ta përballoni.**

Jakobi 1: 13-15 (Hapat për të kryer mëkatin)

¹³ Askush kur tundohet të mos thotë: "Jam tunduar nga Perëndinë", sepse Perëndia nuk mund të tundohet nga e keqja, dhe ai vet nuk tundon asnjëri. ¹⁴ **Por secili tundohet i udhëhequr dhe i mashtruar nga lakminë e vet.** ¹⁵ **Pastaj lakmia, pasi mbarset, pjell mëkatin dhe mëkati, si të kryhet, ngjiz vdekjen.**

Marku 4: 1-34 (Mbjellësi mbjell farën)

¹ Pastaj nisi përsëri të mësojë në breg të detit; dhe rreth tij u mbledh një turmë aq e madhe, sa që ai hyri në barkë dhe rrinte ulur në det, ndërsa gjithë turma ishte në tokë pranë detit. ² Dhe ai u mësonte atyre shumë gjëra në shëmbëlltyra, dhe u thoshte atyre në mësimin e tij: ³ "Dëgjoni! **Ja, doli mbjellësi të mbjellë.**

Hapat e një personi që kryen mëkatin janë shpjeguar tek (Jakobi 1: 14-15). **1. Tundimi / 2. Dëshira** kur ngjizet lind mëkatin / **3. Lind mëkati** që çon në vdekje.

- Satani e kupton parimin e mbjellësit që mbjell farën, sepse ky është një parim bazë në Mbretërinë e Perëndisë dhe veçanërisht në jetën e mendimit të një personi.
- Edhe në këtë fushë ai nuk ka autoritet por **ai përdor një armë të quajtur "mashtrim"** për të të bërë ty të përdorësh autoritetin tënd të dhënë nga Perëndia kundër vetes tënde, për të mposhtur veten.
- Ai do të përpiqet ta bëjë këtë **duke fituar kontrollin e mendjes tënde**, duke të bombarduar **me mendime shkatërruese** dhe duke vënë **presion mbi emocionet e tua!**
- Ai fillon duke **mbjellë një farë të vogël** në mendjen tënde, sepse ai e di se nëse mbillet fara, ajo do të rritet dhe do të bëhet një veprim. (Marku 4: 3-8; 13-20; 26-29; 30-32)
- **Satani do të përpiqet të kontrollojë besimtarin nëpërmjet "MISHIT" - dëshirave tona të paperëndishme, njerëzore dhe natyrore.**



2.17 - Fushëbetejat e mendjes dhe mishit

4. Fushëbeteja e dytë - mishi.

Përkufizimi: Mishi - Kënaqësitë, dëshirat, orekset dhe dëshirat e mishit (të natyrës njerëzore pa Perëndinë). Sepse dëshirat e mishit i kundërvihen Frymës së Shenjtë, dhe [dëshirat e Frymës] i kundërvihen mishit (natyrës së pafe të njeriut).

Për të të ndihmuar të fillosh të kuptosh se si vepron Satani, ne duhet të shohim një fjalë që gjendet në Dhiatën e Re. Fjala është "joshje" ose "shthurje", duke folur në kontekstin e Shkrimeve, këto janë një shoqëri shumë e keqe.

Marku 7: 20-23

²⁰ Tha akoma: "Ajo që del nga njeriu, e bën atë të ndotur." ²¹ Sepse nga brenda, domethënë nga zemra e njeriut, dalin mendimet e mbrapshta, shkeljet e kurorës, kurvërimi, vrasjet, ²² vjedhjet, lakmitë, ligësitë, mashtrimet, pafytyrësia, smira, blasfemia, kryelartësia, budallallëku. ²³ Të gjitha këto të mbrapshta dalin nga brenda dhe e ndotin njeriut".

Gal. 5: 16-21

¹⁶ Dhe unë them: Ecni sipas Frymës dhe nuk do ta përmbushni dëshirat e mishit, ¹⁷ sepse mishi ka dëshira kundër Frymës, dhe Fryma ka dëshira kundër mishit; dhe këto janë të kundërta me njëra-tjetrën, që ju të mos bëni ato që dëshironi. ¹⁸ Por në qoftë se udhëhiqeni nga Fryma, ju nuk jeni nën ligj. ¹⁹ **Dhe veprat e mishit janë të zbuluar dhe janë: kurorëshkelja, kurvëria, ndyrësia, shthurja,** ²⁰ idhujtaria, magjia, armiqësimi, grindjet, xhelozitë, meritë, zënkat, përçarjet, tarafet, ²¹ smira, vrasjet, të dehurit, grykësia dhe gjëra të ngjashme me këto, për të cilat po ju paralajmëroj, si kurse ju thashë edhe më parë, se ata që i bëjnë këto gjëra nuk do të trashëgojnë mbretërinë e Perëndisë.

Domethënia aktuale e shthurjes është "nuk ka kufizim ose pa kufizim"

- Kjo është **pika e parë dhe më e rëndësishme e sulmit** të satanit mbi jetën e një besimtari (si dhe njerëzit që nuk janë besimtarë).
- Ai e di se nëse do të jetosh një mënyrë jetese të perëndishme, ti duhet **të kontrollosh dëshirat e mishit** duke e vendosur mishin në nënshttrim ndaj frymës tënde.
- Nëpërmjet **shthurjes** ai do të fillojë të **ushtrojë presion** tek mishi yt, në mënyrë që oreksi yt të shtohet dhe t'i të **dorëzohesh**.
- Ai gjen dobësitë e mishit tënd dhe ushtron presion **pak nga pak** derisa të ketë kontroll.
- Shenjat e "shthurjes" janë gjithmonë të njëjta, **pak nga pak**, ti e shikon që je duke humbur kontrollin.

Ashtu si të gjitha mëkatet kanë një fillim të përbashkët, ata gjithashtu kanë një fund të përbashkët.

Ef.4: 17-19

¹⁷ Këtë, pra, po dëshmoj në Zotin: **të mos ecni më si po ecin ende johebrenjtë e tjerë, në kotësinë e mendjes së tyre, 18 të errësuar në mendje, të shkëputur nga jeta e Perëndisë, për shkak të padijes që është në ta dhe ngurtësimit të zemrës së tyre. 19 Ata, duke u bërë të pandjeshëm, e dhanë veten në shthurje, duke kryer çdo papastërti me lakmi të pangopur.**

- Plani i satanit nëpërmjet "shthurjes" është edhe e një herë për të sjellë "besimtarin" përsëri nën kontrollin e tij të plotë dhe ta kthejë në mëkat. Ndërsa një person ngadalë-ngadalë i nënshtrohet "shthurjes" dhe shkon pas dobësive të mishit, ai pastaj **dominohet dhe kontrollohet përsëri nga ato dobësi.**



2.17 - Fushëbetejat e mendjes dhe mishit

5. Plani fillon me një mendim (farë) e mbjellë nga satani.

Strategjia e Satanit fillon duke mbjellë një mendim në mendjen tende, aty ku ai ka akses, **mund të duket e thjeshtë dhe e padëmshme**, por është një farë që do të rritet dhe prodhon një korrje. (Marku 4: 3-8; 13-20; 26-29; 30-32)

Jozueu 1: 8

⁸ Ky libër i ligjit mos u ndaftë kurrë nga goja jote, por **mendohu për të ditë e natë**, duke kërkuar të veprosh sipas të gjitha atyre që janë shkruar, sepse atëherë do të kesh sukses në veprimet e tua, atëherë do të përparosh.

- Satani do që ne të **merremi me të – dhe të mendojmë për atë**. Bibla thotë tek Jozueu 1: 8, **Perëndia i tha Jozueut të meditonte fjalën e Perëndisë ditë e natë dhe kështu ai do të ishte i begatë dhe të kishte sukses**. E kundërta është gjithashtu e vërtetë nëse meditojmë për fjalën e botës apo mendimet që satani do të donte që ne të meditonim.
- Mendimet që na vijnë duhet t'i krahasojmë gjithmonë me Fjalën e Perëndisë.

Libri i **Jakobit 3: 1-12** na tregon qartë se nëse mund të kontrollosh gjuhën tënde, mund të kontrollosh tërë trupin tënd.

- **Gjuha jote është timoni i jetës tënde**. Ajo përcakton drejtimin tënd; dhe pa marrë parasysh se sa përpiqesh ta ndalosh, **ajo do të fillojë të përsërisë ato mendime** që i ke vërtitur në mendjen tënde.
- Një nga pasojat më të rrezikshme **e të menduarit pa fre** është dyshimi. **Dyshimi është një rezultat i drejtpërdrejtë** i shturjes.
- Dyshimi vjen kur ti e lejon veten të meditosh **mendime që janë të kundërta** me Fjalën e Perëndisë.

Është një pasojë vdekjeprurëse dhe **ajo vepron njësoj** çdo herë. Satani **mbjell mendime**, të cilat **lindin fjalët**, të cilat **lindin veprimet dhe ngjarjet** rreth e rrotull teje.

- **Mendimet e pakufizuara** >> japin **fjalë të pakufizuara** >> japin **një jetë të pakufizuar** >> dhe **jeta e pakufizuar të çon** në shkatërrim.

6. Ndalimi dhe kontrollimi i sulmit.

Hapi 1. Për të ndaluar dhe kontrolluar sulmin ndaj mendjes sonë, ne e gjejmë përgjigjen kundër "shturjes" në Fjalën e Perëndisë, tek 2 Kor.10: 3-6

2 Kor. 10: 3-6

³ Sepse, edhe pse ecim në mish, nuk luftojmë sipas mishit. ⁴ Sepse armët e luftës sonë nuk janë prej mishi, por të fuqishme në Perëndinë për të shkatërruar fortesat, ⁵ që të **hedhim poshtë mendimet dhe çdo lartësi që ngrihet kundër njohjes së Perëndisë dhe t'ia nënshtrojmë çdo mendim dëgjësës së Krishtit**, ⁶ dhe jemi gati të ndëshkojmë çdo mosbindje, kur të bëhet e përkryer bindja juaj. (ALBB)

- Merr **zotërimin mbi mendimet e tua** dhe vendosi ato në përputhje me atë që thotë Fjala e Perëndisë.
- Merr **autoritetin dhe lidhi ato mendime** dhe hedhi ato tutje me fjalët e gojës sate.



2.17 - Fushëbetejat e mendjes dhe mishit

Mat. 6:31

31 Mos u shqetësoni, pra duke thënë: "Çfarë do të hamë ose çfarë do të pimë, ose me çfarë do të vishemi?"

- **Mos e merr mendimin "duke e thënë atë"** - sepse pastaj ai shkon në frymën tënde nëse e thua (Marku 4 - Mbjellësi mbjell farën).

Hapi 2. Zëvendëso mendimet e gabuara me Fjalën e Perëndisë.

Fil. 4: 8

*8 Së fundi, vëllezër, të gjitha gjërat që janë të vërteta, të gjitha gjërat që janë të ndershme, të gjitha gjërat që janë të drejta, të gjitha gjërat që janë të pastra, të gjitha gjërat që janë të dashura, të gjitha gjërat që janë me famë të mirë, nëse ka ndonjë virtyt dhe nëse ka ndonjë lëvdim, **këto mendoni.***

meditoni për këto gjëra

- **Zëvendëso mendimet e gabuara me** atë që Perëndia thotë në fjalën e Tij.
- Nëse do të jesh fitimtar në fushën e betejës së mendjes tënde, ti duhet vërtet **të riprogramosh mendjen tënde** me Fjalën e Perëndisë.
- Kur ti u rilinde, fryma jote u bë një krijesë e re, **por jo mendja, prandaj ajo duhet të ripërtërihet çdo ditë** nga Fjala e Perëndisë.

Gal. 5: 16-17

¹⁶ *Dhe unë them: E cni sipas Frymës **dhe nuk do ta përmbushni dëshirat e mishit,*** ¹⁷ *sepse mishi ka dëshira kundër Frymës, dhe Fryma ka dëshira kundër mishit; dhe këto janë të kundërta me njëra-tjetrën, **që ju të mos bëni ato që dëshironi.***¹⁸

- Në ditët e para të kthimit tonë është një betejë. Fryma jonë rinovohet dhe dëshiron gjërat e Perëndisë, ndërsa mendja është ende ashtu siç ishte, mishore, dhe këtu është fusha e betejës së mishit.

Rom. 12: 2

² *Dhe mos u konformoni me këtë botë, por **transformohuni me anë të ripërtëritjes së mendjes suaj,** që të provoni cili është i miri, i pëlqyeri dhe i përsosuri vullnet i Perëndisë.*

- Fjala e Perëndisë ka fuqi në vetvete dhe kur të futet në mendje, **ka fuqinë për të ndryshuar** modelet dhe mendimet e vjetra.
- Sthurja **vepron në dy mënyra**, ajo bën që mishi të jetë i pakufizuar dhe në të njëjtën kohë të pengon të ndjekësh drejtimin hyjnor të Frymës.
- Sthurja **e lejon mishin tënd të shfrenohet** dhe në të njëjtën kohë **e vë frymën tënde në skllavëri.**

7. Një fjalë e fundit

Për të pasur fitore në "fushëbetejën" e mendjes, ti duhet të vendosësh me Frymën e Shenjtë që t'i sjellësh të gjitha mendimet e tua në bindje ndaj Jezusit dhe Fjalës së Perëndisë.

JEZUSI ËSHTË ZOT!